

90 تفسير سورة القصص من قول الله تعالى)فلما قضى موسى الأجل وسار بأهله(الآيات 53-92

شوقى عبدالصادق

الحمد لله والصلوة والسلام على سيدنا رسول الله وعلى الله وصحابه ومن والاه وبعد. سلام الله عليكم ورحمته وبركاته ثم اما بعد رأينا
بعين اليقين ان سيدنا موسى عليه الصلوة والسلام وهو شاب - 00:00:00

وصول بالله يعمل بطاعة الله عز وجل ولم يكن يعرف نفسه نبيا ولم يظهر للناس انهنبي لكنه على يقين بربه ولكنه يحسن الظن
بربه. فيا ليت كل الشباب يتلزم ذلك - 00:00:29

هو ما يعرف انه هبقي نبي ولا رسول ولا من اولي العزم. ولا شيء من هذا لكن المطلوب من الانسان ان يحسن الظن بالله. وان يستقيم
على منهج الله ويلزم الفطرة - 00:00:58

والفطرة كلها خير يلزمها تعمل زنوب احيانا وتلaci نفسك مش راضي عنها. وغير راضي عن نفسك. اهي دي الفطرة فكان موسى عليه
الصلوة والسلام على الفطرة وعلى استقامة الحق. لذلك - 00:01:14

لما يهاجر الوطن ويترك الوطن اول يوم يوصل فيه لارض الغربة ما كانت غربة بل صارت له احسن من وطنه صارت الغربة احسن من
وطنه تخيل ان شاب في الغربة اول يوم - 00:01:34

تطأ فيه قدمه وطن الغربة يتزوج ويصير له بيت ويصير له اهل وعشيرة يفكرون فيه ويحملون همه ويصير فيه شيء يتكسب منه.
يأكل ويشرب. ولا يذل نفسه ولا شيء من هذا - 00:01:59

عطاء الله عز وجل ومن يهاجر في سبيل الله يجد في الارض مراغما كثيرا وسعة ومن يهاجر في سبيل الشيطان يجد في الارض ذلا
وهوانا. وان وجد مالا لن ينتفع - 00:02:29

سيز حارسا لهازا المال وسيظل كلب للمال وعايد للمال لانه لم يخطر في باله ان تهاجر في سبيل الله انما هاجر في سبيل المال فيظل
عبد للمال ولا يسعد به - 00:02:52

وان جمعه يظل حارسا له يشقى به ولا يسعد بها. سيدنا موسى عليه الصلوة والسلام ما فكر في دنيا ابدا انما هو يتحرك في مرضات
ربه وكان في مدین في مرضات ربه وفي اي مكان في مرضاته لحد ما اتاها الكرم والاكرام من الله بالنبوة والرسالة - 00:03:17
معنى قوله تعالى فلما قضى موسى الاجل وسار باهله انس من جانب الطور نارا فلما قضى موسى الاجل اي الاجل الاتم والافضل وهو
كم؟ عشر سنوات قام تقدم في حديث ابن عباس رضي الله عنهمما يقول - 00:03:46

قضى اكثراهما واطيبهما ان رسول الله اي كل رسول ان رسول الله صلى الله عليه وسلم اذا قال فعل اذا قال فعل يعني ايه؟ وعد العبد
الصالح اني ممكن يبقوا عشرة بس ما تاخزنيش لو كانوا - 00:04:13

او عشرة برضه وقد وفى وسار باهله خلاص قضى موسى الاجل وسار باهله. كده صار باهله. في ملحظ جميل القرطبي ذكره في الكلمة
سار باهله قال القرطبي قيل فيه دليل وفعلا فيها دليل - 00:04:39

على ان الرجل يذهب باهله حيث شاء يذهب باهله حيث شاء لما له عليها من فضل القوامية وزيادة وزيادة الدرجة الا ان يتلزم لها
اما فالمؤمنون عند شروطهم وهو بيتزوجها - 00:05:03

ما حصلش اتفاق. هو بيسافر مسلا وما تكلمواش هتسافر ولا ما تسافرشن فكان اجازته مسلا سهلة ما بقتش سهلة.

محتاج زوجته تروح معه، يبقى لازم تروح مش تقول لا انا ما بسافرش - 00:05:33

ما قدرش اسيب بلدي وامي واخواتي وابويا والكلام ده سافر معه. سار باهله بنت العبد الصالح كانت تقول له رح شف امك واخواتك وتعالى مش انت قعدت معنا عشر سنين مش كده ولا ايه؟ لا هتسافر معه. هو راجع عند اهله ولا اهلها؟ عند اهله - 00:05:55

فالمرأة كرزل السكن. اسكنوهن من حيث سكنتم. من وجودكم تجد زوجات تقول لك انا ما اقعدش في المكان الفلاني انا ما اسكنش في شقة في المساقن. ليه لا ما احبش الكلام. هو مش جوزك قاعد فيها - 00:06:22

هو يسكنك ويقعد هو في فيلا في الحنة الجديدة الحلوة اسمها ايه يقعد في العلمين مسلا ويقعدك في المساقن ولا هيقعد معك في المساقن هيقعد معك في المشاكل. يبقى تسكتني فين؟ مش في باب بيتفقل - 00:06:45

ده حنة اوپاش ده حنة بيه الله! هو مش الراجل قاعد في البيئة هو انت عايش مع البيئة ولا ما عايشة مع جوزك اسكنوهن من حيث ايه تفهم منها ان المكان اللي انت هتسكن فيه ايه؟ زوجتك. ما تسكتش في مكان وحش طيب وتسكتنا في مكان - 00:07:07

خبيس او مكان مش طيب لأ فهی بقى ما تجيش تقول المكان ما يناسبنيش. مش هو ساكن معك فيه وهيقعد امريكي؟ اه خلاص تقعددي هنا وسار باهله يبقى اهله معه - 00:07:30

ماشيين بقى شوفوا هم ماشيين بقى ايه اللي حصل. سار باهله. بيشبهها بالاهل ما قالش ممكن يكون خلف منها انجب ممكن يكون انجب وهي بمفردها اهل انا يريد الله ليذهب عنكم الرجس اهل البيت - 00:07:46

ويطهركم تطهيرها وفي حديث النفقه ان افضل دينار تنفقه ما انفقته على اهلك الزوجة وزوجة اهل لان فيها نوع من الاهلية والموافقة لان هي بتحل محل ام الزوج - 00:08:08

وتحل محل امي ولا مانع تحل محل ابيه لان هي سكنه ولباسه وهي بمسابة اهله. فهي اهله كلمة الزوج الاهل ارقى بكثير جدا من الزوجة وسار باهله انس من جانب الطور نارا. في طريق العودة - 00:08:30

كان ليلا وطبعا لازم يبقى عليه الليل ونهار بقى ده تمن تيام مشي وهيقروا اكتر لان هو لما كان ماشي لوحده ممكن يمشي اسرع انا دلوقتي ايه ومعه غنم ومعه حاجات جايبيها. صهروا ادوا غنم وادى له حاجات فيبقى الموضوع يا هيطول - 00:09:02

فلابد يجي عليه ليل ونهار وليل ونهار كسيرا يعني فالسياق هنا بيكول ايه وسار باهله انس من جانب الطور ايه؟ نارا فهو جاي وفي الليل بقى الليلة المباركة. الليلة الموعودة - 00:09:20

كانت يعني شاتية يعني برد. مش لازم يكون فيها مطر بس فيها برد وفي زلمة في برد وفي زلمة محتاج للنار بالدفائية حاجات كثير فاذا به يرى نارا فعلا انس من جانب الطور نارا - 00:09:37

وسار باهله انس من جانب الطور نارا قال لاهلهم كثوا امكثوا اني انس نارا يعني شفت رأيت يعني لعلي اتيكم منها بخبر او جذوة قرآن عظيم يا اخواننا هنا بخبر او جذوى - 00:10:05

في طه بقبس او اجد على النار ايه؟ هدى قرآن بيصور فطبعا اتكلم عن عن الحالة فذكرها في اكتر من موضع تصور لنا حالة موسى عليه الصلاة والسلام وصف تفصيلي - 00:10:29

في سورة القصص قدم خبر على الجذوة. جذوة يعني ايه؟ يعني جمرة مشتعلة. جمرة مشتعلة نحطها ونحط عليها خشب وحجاج ايه؟ تشتعل نستدفى وناكل وكده يعني بقى قدم في سورة القصص خبر على جذوة - 00:10:51

في سورة طه قدم القصص القبس اه القبس على الهدى او الخبر. الهدى معناها الخبر يعني عشان الحالتين موجودين فعلا. فهو يعتبر تاه في الطريق والوقت وقت ليل وزلمة تهفي الطريق - 00:11:14

فطالما تاه في الطريق يبقى عاوز ايه ها؟ حد يدلله اللي هو الخبر او الهدى اللي موجود في سلطة الخبر اللي هنا او الهدى اللي موجود فين؟ او اجد على النار ها؟ هدى. على النار اللي هو شف. اجد عليها يعني - 00:11:38

انا مش واحد اعدي عليها لا عندها يعني على النار يعني عند النار هدى يعني واحد قاعد هو اللي اشعل النار دي اسئلته اقول له اقرب طريق الى مصر فين - 00:11:58

فهو حافز المكان هيقول لي امشي مسلا شوية كده وبعدين خد كده يعني او اجيب منه ايه؟ جزوة مشتعلة اللي هي الايه القبس او النار يبقى هو كده فعلاً يحتاج - 00:12:12

يدفوا ومحتجاج حد ايه ها يidle على الطريق فالموضعين في سورة طه والقصص قالوا لنا ايه؟ وصفوا لنا تماماً حالة ايه ها؟ موسى عليه الصلاة والسلام قال ابن كسيير قد اشتاق الى بلاده واهله فعزم على زيارتهم في خفية من فرعون وقومه فتحمل - 00:12:29 باهله وما كان معه من الغنم التي وهبها له صهره. اللي هو العبد الصالح في مدين. فسلك بهم في ليلة متيرة مظلمة باردة فنزل منزلها مكان يعني يريح فيه فجعل كلما اورى زنده يعني حجارة يحكها في بعضها كده تطلع ايه - 00:12:55

شارار اورى زنده لا يضيء يحك الحجارة ما تطلعش. فعاوز نار بقى مش محتجاج نار باي شكل. فتعجب من ذلك انما هو كذا عاوز يدور على نار ويعمل حك زد بل انس ايه؟ ها؟ لمح. قال هناك ايه بقى؟ اروح - 00:13:19 انس من جانب طرق ايه؟ لا ارى فقال لهم بقى لقي بقى مش لاجازة هو راوح يجيب ايه ها؟ جزوة راوح يجيب حته جمرة ايه ها - 00:13:40

مشتعلة موسى عليه الصلاة والسلام وجد جزوة لكنها ليست جزوة حسية للدفع جسدي ولكن جزوة وطاقة ابدية انها طاقة الاصطفاء جزوة لازم ما تنطفيش ابداً الجزوة اللي كان راوح يجيبها هتخلص - 00:13:57

ولو انتقض مش هتلوغ تاني. هات واحدة جديدة انما الجزوة التي حصل عليها لا تطفئ ابداً اصطفى موسى عليه الصلاة والسلام نال على المراتب وانا اخترتكم فاستمع لما يوحى. وووجد على النار هدى - 00:14:28

الهدى اللي بيدور عليه طريق الى مصر. عاوز يوصل لمصر ما وجد الطريق الى مصر وانما وجد الهدى المستقيم الذي يأخذه الى اعلى المنازل. مش هو الطريق ما لقاش حد يidle على الطريق الى مصر - 00:14:52

انما لقي الطريق المستقيم اللي كل الانبياء والرسل بيطلبواه من الله وجد وجد رب العزة يقول له انا اخترتكم خلاص او اجد على النار هدى وفي هدى احسن من كده بقى - 00:15:11

هدى يعني واحد يقول لك يمين شمال توصل لمصر لا لا داود ده هيوصلك للجنان للدرجات العلي هدى يوصلك الى ان تناول منزلة واصطفيفتك على الناس برسالاتي وبكلامي وبكلامي - 00:15:34

ولله الحمد فلما اتهاها وصل عندها بقى فلما اتهاها نودي يا موسى الى اخره فلما اتهاها نودي من شاطئ الوادي الایمن في البقعة المباركة من الشجرة. يا سلام! وصف تفصيلي - 00:16:00

لعمراً كاميرا تجيبيه ولا قمر صناعي تجيبيه. القرآن يجيبه؟ اه نودي من شاطئ الوادي الایمن يبقى الوادي له يمين وشمال ارض. انت بتيجي ازاي؟ يبقى لازم الواحد وشه يبقى ناحية حاجة معينة - 00:16:18

عشان بيان اليمين والشمال انما انت واقف كده مش متوجه لاي حاجة يبقى الوادي ما لو شيمين وشمال انت بتتص على الوادي كده بتترفرج عليه وادي مليان زروع وحاجات بتترفرج عليه بس كده وخلاص - 00:16:39

يبقى فين يمين وشمال اهو كله قدمامي اهو انما لو اديت وشك في اتجاه معين يبقى كده حددت. بقى فين؟ يمينك فين؟ وشمالك فين فيبقى موسى عليه الصلاة والسلام وشه كده ناحية القبلة - 00:16:55

معقول في الصحراء دي كلها وفي الليل كله اه وشه ناحية القبلة برضوا ربنا سبحانه وتعالى اللي موجهه على يمينه حاجة وعلى شمالي حاجة يمينه يمين الوادي نودي من شاطئ يعني من جنب - 00:17:16

ما هو الشاطئ يعني حرف البحر جنب البحر من شاطئ الوادي الایمن اللي على ناحية ايده اليمين من شاطئ الوادي الایمن في البقعة المباركة كل هدية. الصوت او سمع النداء من الناحية اليمين. جاي له من الناحية اليمين. يبقى وشه ناحية القبلة - 00:17:38

ولا والوادي وشاطئ الوادي اهو وسمع النداء من الناحية دي جاي له نوجي نودي قال ابن كسيير اي من جانب الوادي مما يلي الجبل

عن يمينه من ناحية الغرب جه في اكتر من موضع يؤكّد مسأله اليمين والشمال. وما كنت بجانب الغربي - [00:18:02](#)
يبقى وشه ناحية الايه القبلة والغرب فين الغرب اللي هو الغرب دهو ويبقى ناحية ايه زي وضعكم وانتو قاعدین بالضبط كده وشكبي
الغرب فين بالنسبة لك ؟ يمينك. والشرق فين ؟ شمالك. اه. وما كنت بجانب الغربي يعني ربنا بيقول للرسول - [00:18:27](#)
ما كنتش موجود هناك فمين اللي بالقرآن بيحكى لنا اهو بقى. وما كنت بجانب الغربي. اذ قضينا الى ايه ؟ الى موسى الامر وما كنت
من الشاهدين واضح كده ؟ وبرضه الاية الثانية وناديناه من جانب الطور اليمين. يبقى سمع ان ده منين ها - [00:18:49](#)
من الناحية اليمين كدا نداء والشجرة كانت الشجرة فين ؟ في الجنوب اليمين. هو نار كده والمسألة الحلة كلها منورة بس الشجرة
في ناحية اليمين والنار فيها وهي كده وهو هنا. عليه الصلاة والسلام - [00:19:10](#)
نودي يا موسى الله اني انا الله رب العالمين طبعا دي شيء عمره ما سمعه قبل كده عمره ما سمعه. هو يعلم الله جيدا يا اخي ده اللي
مؤمن في ال عمر في في ال فرعون - [00:19:29](#)
مؤمن ال فرعون بيقول لهم وبيخوفهم مش كده ولا ايه ويا قومي اني اخاف عليكم يوم التناد يوم تؤبى. المؤمن ال فرعون عارف
الله موسى مش هيبي عارفه ؟ اه يا موسى - [00:19:50](#)
اني انا الله في سورة النمل يا موسى انه انا الله العزيز الحكيم في سورة طه نودي يا موسى اني انا ربك يبقى اني انا الله انا الله ها
اني انا ايه ؟ ربك. ليه الفعل ؟ لا ابني الله سبحانه وتعالى هو - [00:20:07](#)
نعم قادر في الموضع السلسة في طه والقصص والنمل نقولهم تاني يا موسى اني انا الله يا موسى اني انا الله هنا معنا في القصص
في النمل انه انا الله العزيز الحكيم - [00:20:38](#)
اني انا ربك بس في كل الموضع يا موسى يا موسى يا موسى. فيسمع يا موسى اذا فيها تطمئن لموسى وان مش الشيطان لان طبعا
شيء اول مرة فما يجيشه في بالك ان دي شيطان. ليه - [00:21:09](#)
اللي بينادي عليه يعلمه جيدا ويعلم حاله يا موسى دي واحدة. طب ما تقول ما هو الشيطان عارفنا. بس عمر الشيطان ما هيجرؤ
يقول ايه ها. عمره ما هيقول دي - [00:21:31](#)
ابدا ما يجرؤش ما يجرؤش يقول اني انا الله دي فلما موسى يسمع صوت بينادي عليه بس يبقى اللي بينادي عليه عارفني صح ولا
صح ؟ ويعلم حالي فيطمئن وبعدين في قراره نفسه الله يغرس فيه - [00:21:49](#)
انه هو ده الله اللي بينادي الله خلاص بيشك الشهادة جيش في بلده شيطان الجمل نفسها لا يمكن تقال من مخلوق اصلا لا شيطان
ولا غير شيطان. حدش يجرؤ يقول انا الله - [00:22:14](#)
حتى الملعون لما جه يقول لهم ما هي الاية بتقول افرأيت من اتخاذ الله هواه مش هو بس ده غيره لم يجرؤ يقول انا
الله ما احد ما احد يقول لا ابدا - [00:22:35](#)
فدي فيها تطمئن لموسى عليه الصلاة والسلام ان الله انا ربك وبينادي له بالاسم فييجي موسى كده ايه ها يطمئن نداء المذكور في
الآيات السلسة نداء من الله من الله - [00:22:58](#)
موسى مباشرة والكلام الذي يسمعه موسى كلام ربنا خلقه في الشجرة تتكلم لأنها نائب عن الله بعض الناس بتقول كده
لا يمكن الشجرة هتقول كده الرسول لما بقى يقرأ كلام الله ما يقدرش يقول انا - [00:23:17](#)
ما يقدرش يقول انا هو يقولها كده اذا ما جت فالذي يقول انا الله اني انا الله هو رب العالمين. فهو يسمع كلام الله الغير مخلوق. والله
هو الذي يكلمه مباشرة - [00:23:44](#)
مش خط الكلام في الشجرة والشجرة بتتكلم لأ ما فيش الكلام ده ابدا الله عز وجل هو الذي ايه ؟ يكلمه. ويقول اني انا الله لا الله الا انا
فاعبدني خلاص ماشي كده اطمأن موسى عليه الصلاة والسلام - [00:24:04](#)
هنا معنا في القصص وان القى عصاك يبقى دي بعد ايه ؟ وما تلك ايه تيجي كده انما مش القى عصاك وبعد كده يتسئل عنها. لأ وأما
تلك بيمينك ده شيء طبيعي تكون قبل ايه ها - [00:24:22](#)

قبل القي ايه اللي في يمينك في يميني كزا كزا وعاوز يتكلم كتير بقى وارتاح واطمئن فييجي بعديها ايه وان القى عصاك
يربينا القرآن على ادارة المواقف ونتعلم ونعرف ازاي يعني - 00:24:41

ما نتورطش فالازم من تجارب عملية رب العزة هيرسل سيدنا موسى بدون كتاب لان فرعون والي معه مش بتوع كتب ولا بيفهموا
في الكتب هم واخدinها كده مش كده ولا ايه - 00:25:05

انت قالوا للفراعنة لهم حاجات كانوا بيكتبوا فيها لهم مؤلفات ها طيب حتى مؤلفاتهم على الحيطان يعني ما بتتنقلش مش كده ولا
ايه مؤلفاته ما بتتنقلش كان بتاع الفrama طيب ابعت لنا الدرس الجاي اي حاجة منه - 00:25:25

ولو صفحة وشو كانوا بيكتبوا في ايه؟ المهم فدول مش بتوع مؤلفات فرب العزة شاء ان يجي لفرعون بدون وممكن كان يمزق
التوراة ويعلم حاجات كتير. انسان انسان وقح اصلا - 00:25:45

فهو هيجب له معجزات تهزه ان اهتز وان لم يهتز فالانتقام جاي رب العزة هيبعث سيدنا موسى بشوية معجزات من ضمنهم
ايه؟ المتاح حاليا العصا واليد العصا وجد. نبدأ بالعصا - 00:26:00

الق عصاك فلما رآها تهتز. يبقى القاها خلاص رآها تهتز كانها جان جن يعني حي شوية جدا حية كبيرة صعبة بتتحرك بسرعة فاتحة
بوقها حاجة مخيفة جدا ولا مدبرا فعلا - 00:26:24

ايه ده ايه ده لازم دي شيء طبيعي بقى الخوف هنا فطري خوف فطري. لازم اي انسان يجري. اه. ولا مجبرا ولم يعقب يعني مشي
شوية كتير يجري وما يتلفتش - 00:26:47

ما بيتلفتش. ولم ندھت لي بقى يا موسى ما فيش انا الله بقى. ها يا موسى اقبل. يبقى لازم ايه ها؟ يقف. يقف لازم يقف ويلف للمكان
اللي كان ايه ها واقف فيه - 00:27:02

المكان اللي كان واقف فيه اقبل ولا تخاف انك من الامنين هنا الحكمة من كده ليه؟ هل رب العزة يريد ان يزعج سيدنا موسى. ده
ممکن واحد لو واحد عادي لو ما فيش تثبيت من الله - 00:27:25

تجي له قفسة في القلب يروح لحاله صدق قلبية كده القلب يقف يقف خلاص ويموت فعلا جو ليل وانت لوحدك في صحراء ولادك بعيد
عنك حتى ولادك هي عملوا ايه اصلا؟ هي عملوا ايه؟ مش هي عملوا حاجة - 00:27:52

وفجأة تلاقي كل ده طب ليه؟ هو سيدنا موسى داخلياته ايه؟ هو كل داخلياته ان بس يخاف من الحياة دي خوف طبيعي فجري لا
ارجع ارجع ارجع عشان المنزد ده انت هتشوفه ايه هه كتير كتير - 00:28:11

خلاص في سورة طه هنا لما ربنا سبحانه وتعالى قال له ارجع اقبل ولا تخاف انك من الامنين. ارجع بقى في سورة طه لما ترجع
وخلاص لأنّ خذها. مد ايدك امسكها - 00:28:33

ولا تخاف سنعیدها سيرتها الاولى. طبعا هو خلاص وصف تماما اللي بيكلمه مين؟ رب العالمين سبحانه وتعالى فقال له سنعیدها بقى
خلاص سنعیدها خذها مد ايده فهمتي؟ مش استنى مسلا لما تنقلب عصا لا يمد ايده عليها وهي حية - 00:28:52

خلاص عرف ان هي هنرجعها لك ايه؟ عصاية. مد ايده عليها امسكها لقى عصاية. خلاص خذها ولا تخاف سنعیدها سيرتها الاولى.
وطالما رب العزة قال له انك من الامنين بقى ايه ها؟ ما تخافش - 00:29:13

ودي بقى على طول مش من الامنين من الحياة انك من الامنين. اه خلاص قلبه جمد بقى خلاص. ولا فرعون ولا فلان ولا علان ولا
اي حاجة. خلاص انك من الامنين - 00:29:31

زي سيدنا النبي كده اما ربنا قال له كده يا ايتها الرسول بلغ ما انزل اليك من ربك. وان لم تفعل فما بلغت رسالته الله ها كمل يعصمك
من الناس. ايه علاقة التبليغ بالعصمة - 00:29:47

يعني بلغ ولا حد هيقدر يعمل لك حاجة ابدا يخططوا لاغتيالك يخططوا لتفجير الدنيا كلها من ابدا ابدا بلغ والله يعصمك من الناس
مش هيحصل خلاص بقى. وزي الاية الثانية والله يعصمك من الايه - 00:30:09

من الناس. نعم. او ان اه لا مش الخوف بقى اللي هو ايه ماشي هتتيجي هتتيجي حالا ان شاء الله. اقبل ولا تخاف اي ارجع الى

ما كانك انت امن امن. وفي جميع الاحوال ما تخافش - 00:30:28

ابدا اسلك يدك يبقى هنا بقى الايات المتاحة لرب العزة بيدرب عليها سيدنا موسى في المكان دهو ما هو ما فيش جراد ولا قمل ولا وضفاعة ولا دم هو في صحراء وهو لوحده. والفراعنة مش موجودين ده هو لوحده. والمتأخر ايه؟ الموجود دلوقتي العصا والايه؟ واليد - 00:30:48

سبحان الله خلاص العسل كده تمام؟ لأن كده تمام اسلك يدك في جيبك الظهر دخلها في فتحة الجيب كده ودخلها تحت باطك واضضم اليك جناحك من الرهب طلع ايدك طلع ايده شفها كده بيصل لها ايه منورة كده هو كان اسمر اللون لقاها منورة حلوة كده ولا بحق ولا براس - 00:31:10

ولا برص ولا غيره واضضم اليك جناحك من الرهب فذلك اسم اشاره فذلك مثني زي هذان كده فذلك برهانان. العصا واليد من ربك الى فرعون وملأه يعني برهانين مش لك - 00:31:37

لأنه انت هتاخدهم ايه ها؟ كده بقى دخلنا في الجد اللحزة دي بقى مرحلة تانية خالص من حياة موسى لحد دلوقتي كوييس بعد كده بقى الاحمال زادت بقى برهانان من ربك لي - 00:32:05

بيقى حاجة حلوة قوي. لا خدهم وروح لمين لفرعون لا بيتدى اية اليه زي ما قلنا تتلاؤ تخرج بيضاء من غير سوء رحهم فذلك برهانان من ربك الى فرعون وملأه انهم ملأوا اشمعنى هنا الملا بقى؟ لأنهم دول اول ناس هيشفوفوا اليه - 00:32:25

البرهانين دول ما هو مش فرعون مش هيجمع مصر كلها عشان يوريهم لأن هو الموجودين في القصر وان كان فيهم نتيجة اهلا وسهلا ما فيش نتيجة نبتدى بقى الدائرة ايه؟ تتسع - 00:32:50

علشان كده قال ملأه ما قلش قومه ملأه الى فرعون مين الملا؟ الحاشية الوزراء ووكلاء الوزراء والمحافظين والجماعة دول. الى فرعون وملائكة والاتباع والجلساء الملك في اللحزة دي بقى ايه بدأ شريط الذكريات بيجي يرجع تاني مع مين؟ ها - 00:33:04
مع موسى بقى هيدخل مصر طب هو كان رايح يعمل زيارة زي ابن كسيير بيقول كان عاوز يروح يعمل زيارة ايه ها في حين غفلة من مين ها؟ من فرعون ما هو مش مش في دماغه بقى - 00:33:33

الرسول اصلا هو شكله كان كده هيروح يقعد معهم يقعد شهر وشهرين ثلاثة عبال ما بييجوا يحسوا الناموسة ايه جه ياخد بعضه ايه ويرجع مدین. اول لقى الجو كوييس والدنيا اتغيرت ايه؟ هيقعد. مش في دماغه ابدا الموضوع يخش فين ها؟ في صدام ورسالة ولسه بقى - 00:33:46

فرعون عايش ولسه هنخش معه مش كده ولا ايه؟ قصة تانية خالص دي نقطة تحول جديدة في حياته هو جاي من ميديا مش في دماغه ابدا بقى رسول وهيشفوف اهله - 00:34:08

خلسة كده ويرجع واكيد برضو تلاقى زيه زي اي مخلوق ممكن يكون الدنيا اتغيرت كل حد سمه ها يكون حدش شتمه وارد لاني ايام يوسف بيقولوا ان بعض المفسرين بيقولوا الجماعة اللي كانوا في السجن مع يوسف. هم. دخلوا السجن ليه؟ قالوا كانوا عايزين يتخلصوا من المالك - 00:34:24

ويتخلصوا من المالك ليه؟ قالوا الشعب قرف منه فادوهم ريش وقال لهم سموا لنا اليه؟ الملك ان لله وانا اليه راجعون الواد اللي بيأكله هيحطوا لي السم والواد اللي بيستقيه ايه؟ ويحط له السم. وان نفذ من ده ها يقع في ده. يعني هم ايه؟ ارشوا الاثنين - 00:34:51

واللي يقتل فيه يا اللي يقتله بقى ابن حلال تخيل فالصديق قالوا كده بيقول السبب الغلامين ودخل معه السجن ايه؟ فتيان التاني قال واحد قال باخز والتاني اعصر ايه؟ خمرا - 00:35:17

فقالوا لما الناس سئمت هذا الملك حبوا يتخلصوا منه. فالواد اللي بيحبز هو اللي حط اليه؟ السم في الخبز. والواد اللي بيستقي ما سمش اليه؟ الشجرة. وفي نفس الوقت معلومات اتصرفت - 00:35:38

للملك ان الاكل والشرب فيه ايه؟ سم. يعني الحنة كلها ايه؟ خونة كلهم ايه ها خونة على بعض فجهه الملك قال لهم تعالوا لو قال للواد

اللي بيعمل مشاريب اشرب قام شارب - 00:35:57

عامل له قهوة عامل له عصير عامل له اي حاجة اشرب ياض البتاع ده شرب عشان يموت ما ايه ها؟ ما قال لك اه ما هو لو قدم منها وسم يشربوا اللي عملوه ويأكلوا اللي ايه؟ اللي عملوه - 00:36:22

اشرب ام شارب ما ماتش. كل ياد الاكل ده يالا. ما رضاش يأكله جابوا دابة حطوا الاكل الدبة اتقلبت عرف الملك انه ايه اسمه رماهم في السجن مش موضوعنا بس ايه الحمد لله احنا ايه - 00:36:36

الاكل من عند عملك يا حاج ابراهيم مكشوف عليه صحيا ما تخافوش يعني معقم المهم بدأ بقى الشريط الاحdas يبيجي بسرعة وهو واقف في مكان لسه في الوادي المقدس ولسه كل الدنيا منورة حوالين سيدنا موسى ولسه بيسمع ولسه بيرد ويطلب ويقول رب العزة - 00:36:57

فيه ما ما يطلبه ويقول له حاجات كتير اللقاء ده حصل فيه حاجات كتير جدا يعني منتورة في ثنايا القرآن العظيم بدأ بقى الشريط يتذكر قال رباني قتلت منهم نفسا - 00:37:29

فاختاف ان يقتلون واخي هارون وهو افصح مني لسانا فارسله معي يريد ان يصدقني اني اخاف ان يكذبون في ايات تانية في تلس طه رب اشرح لي صدري ويسر لي امري واحلل عقدة من لسانني يفقهوا قولي واجعل لي وزيرا من كل ده وهو لسيدنا موسى وافق - 00:37:45

اطلب الطلبات دي. والرد بيجي له بس انه رد ايه؟ منتظر في ثنايا القرآن فهنا بقى موسى ايه؟ قتل القبطي وقاوم فرعون هيقتلوه بقى في المقابل وهو اللي كان سبب خروجه من مصر اصلا - 00:38:10

فاختاف من القصاص طلب المؤازرة اديني حد يساعدني من اهلي بقى وما فيش عندي الا اخويا هارون اولى الناس بي واحسن الناس بي رب العزة واحلل عقدة من لسانني. لأ لحد اللحظة دي كانت العقدة ايه ها - 00:38:30

وهو في نفس المكان اتحلت الايه؟ العقدة واحلل عقدة من لسانني يفقهوا قولي اجعل لي وزيرا كل الحاجات دي بعدها قال له رب العزة اوتيت سؤلك يا موسى. في اللحظة دي رب العزة سبحانه وتعالى اختار هارون نبيا - 00:38:50

هو في القدر مكتوب نبي في اللحظة دي قال له رح وهيبقى اخوك معكنبي.نبي كمان خلاصنبي هيمنا هارون. العقدة انحلت وهو في لان ربنا قال له اوتيت سؤلك خلاص - 00:39:14

ولقد من عليك مرة اخرى انت ناسي ولا ايه؟ اذ اوحيينا الى امك انت ما تننساش يعني انت فاكر بس الاحdas اللي هي تعتبر ضدك ومتش فاكر الاحdas اللي هي - 00:39:27

معك ما نن عليك ايه؟ مرة اخرى. اذ اوحيينا الى امك ما يوحى ان اقض كل ده سيدنا موسى بيسمعه اقز فيه في التابوت الى اخره. فهنا طلب ان سيدنا هارون يبقى اريد ان يعني ساعدك خلاص خده كمان - 00:39:40

مش يساعدك بس ده هيبقىنبي معك كمان. كما قال تعالى آما هو قال ايه هارون اخي اوجد به ازدي؟ قال رب العزة عن سيدنا هارون ووهبنا له من رحمتنا اخاه - 00:40:00

هاروننبيا كل ده في المكان ده قال سنشد عضدك باخيك خلاص؟ ماشي طبعا هو قال بايه؟ انه خايف من من فرعون وكده قتلت منهم نفسا فاختاف ان يقتلون واخي هارون هو افصح مني لسانا فارسله معي - 00:40:15

يريد ان يصدقني اني اخاف ان يكذبون. قال سنشد عضدك باخيك ونجعل لكما سلطانا فلا يصلون اليكما بالياتنا انت ومن اتبعكم الغالبون سنشد عضدك العضد اللي هو ده. الحطة بتاع العضلات ديت اللي هي ايه ها - 00:40:35

الرئيس تعرف الرئيس ويقعده يريد في البتاعة دي هنقوي ونخليها قوية. دي كنایة عن ايه؟ كنایة يعني احنا مش هنسبيك ان ساعدك لان هو مش داخل مع عضلات هو مش داخل يطلع مصارعة مع فرعون لا بس شد العضد قناع عن ايه زي شد المأزر كنایة عن الاهتمام - 00:41:01

ما واخذ الامر بجد. فشد العضد معناها ان احنا هنساعدك ناخذ بيديك لن نتخلى عنك سنشد عضدك باخيك. ونجعل لكم سلطانا فلا

يصلون اليكما. باية انتما ومن اتبعكما. سلطان يعني حجة قوية زاهرة - [00:41:21](#)
يطلبه توريها له. لأن هو قال له بقى. فلما طلب اية وقال هو حتى كمان في مواضع قال له وقد جئتكم باية من ربكم قال له وريها لي.
اه نجعل لكم سلطانا يعني حجة قوية وبرهان قوي على انكم انتم الاتنين رسول - [00:41:49](#)
او رسولا من عند الله سبحانه وتعالى فلا يصلون اليكما. يعني مش هيقتلوكم. برضو دي زيادة ايه؟ التأكيد ان هو ايه؟ ها؟ من الاميين
تسكير اهو تزكرة فلا يصلون اليكما. يعني من الامان اللي هتبقو فيه عمرهم ما هيوصلوا لكم ابدا - [00:42:14](#)
بایاتنا انتما ومن اتبعكما الايه؟ الغالبون بایاتنا يعني بایاتنا المنظورة. مش بایاتنا الايه ها؟ المقروءة. طب واحدنا هنغلب ايات المنظورة
ولا المقروءة احنا احنا ولا مش هنغلب خالص قال سند عضدك باخيك - [00:42:39](#)
ونجعل لكم سلطانا فلا يصلون اليكما. يعني عضد هارون كمان بايه ها بيشد ونجعل لكم سلطانا حجة وبرهان وقوة. بایاتنا المنظورة
ولا المقروءة المنظورة ما فيش ايات مقروءة المنظورة هيشفوها بعينيه - [00:43:08](#)
هو وملاه يشوفوهم بعينيه يشوفوا عصا موسى تقلب حية وهم يخافوا زي ما هو خاف القرآن ما حكاش لما شافه عصا وموسى في
قلبت حي حصل لهم ايه ما حكاش آبس قالوها سحر قالوا ان عليها سحر. والالية الثانية اية اليد بایاتنا انتما وما - [00:43:34](#)
اتبعكما الغالبون. جميلة اوبي يا اخوانا انتما ومن اتبعكما الغالبون طب اللي اتبعوهم كان معهم ايات ان كان في ايات بعد كده تبقى
ايات مقروءة اللي هي ايه؟ اللي هي التوراة. وسيدنا محب لنفس الكلام - [00:43:58](#)
الايات المنظورة اللي كانت مع سيدنا محمد اللي نزروها نزروها سيدنا محمد غالب بها انما مش هي الاساس الايات اللي مع سيدنا
محمد الاصل فيها الايات المقروءة. القرآن القرآن بالقرآن نغلب - [00:44:18](#)
نغلب بالقرآن نغلب طب نغلب بحاجة تانية؟ لأنتم غيرنا بيغلب من غير قرآن والد ولا مش وارد؟ يغلبوا بعضهم بس ما يغلبوناش. لو
احنا بالاليه؟ طب لو احنا وهم من غير قرآن اللي مش - [00:44:37](#)
راح يغلب اللي قوي يغلب انما لما بيقي احنا سلاحنا على قدنا بس معنى قرآن وهم مسلحهم ما لوش حل وما عهمش قرآن مين اللي
هيغلب؟ احنا برضو اللي غلبنا - [00:44:57](#)
احنا اللي هنغلبه كتب الله لاغلين انا ورسلي. طب واحدنا رسول؟ لا. احنا اتباع الرسل. وان جندنا وان جندنا. لو حققنا نادي احنا جون
بس لو ضفنا نغلب باي سلاح - [00:45:14](#)
لما تقدت تقول اللص بيقول واعدوا لهم ما استطعتم. ما اقول لك ده ما هو ده اي سلاح هي دي استطاعتي ده اللي معي لأن اووعي تفهم
ما استطعتم يعني تجيب اخر تسليح في الدنيا لأ - [00:45:40](#)
لان رب العزة بيقول لنا فاتقوا الله ايه؟ ايه اللي تقدروا التقوى اللي تقدرواها ما هو لو اخر تقوى بيقي تبقى زي النبيين لما تجيب اخر
درجات التقوى. انما فاتقوا الله ايه؟ ما استطعتم. بيقي اللي تقدروا عليه - [00:45:54](#)
اعدوا لهم ما استطعتم من قوة الباقي بقى هتنزل ملائكة معاذة. مش لسة قايل لكم الجمعة اللي فاتت جبريل بيقول لسيدنا النبي هل
وضعت السلاح قال له اه وافتسلت كمان - [00:46:14](#)
كده من الحرب يعني قال والله ما وضعته ده مين اللي بيتكلم؟ حديث متفق عليه. والله ما وضعته طب سلاح ايه بقى؟ شاريه منين
جبريل جابوا منين السلاح اللي مع جبريل؟ - [00:46:32](#)
بيضرب به مين ما لكش دعوة انت ما لكش دعوة طب معه سيف ولا معه خنجر ولا معه ما لكش دعوة تقول تعالى طالما ما شفناهوش
بيقي الدواهم اه وهم عنده انت انما احنا عندنا غريب وعقيدة وايمان وخليلك في وهمك لحد ما تدخل النار - [00:46:49](#)
اما احنا مؤمنين مؤمنين به قوي قوي ومصدقينه وعايشينه ونسأل الله ان نموت على كده. اه فهنا بایاتنا المرئية المنظورة اللي
هتوروها لفرعون وملاه انتما ومن اتبعكم الغالبون الكلام ده مش لموسى بس الكلام ده لحد يوم الدين لنا في المقام الاول. يا ايه
الرسول قلت لكم الاية دي قبل كده اهو - [00:47:10](#)
بلغ ما انزل اليك من ربكم وان لم تفعل فما بلغت ايه؟ رسالة. والله يعصمك ايه؟ من ناعس بيقي هنغلب لما يكون معنا قرآن معنا قرآن

يعني شايلينه كده والبندقية كده لأنّ يا حبيبي - 00:47:41

تبقى غبي وما بتفهمش مش مطلوب تشيله اصلا مطلوب يسكن هنا ويترجم العمل ترجم العمل. وحتى لو ما سكنتش هنا يبقى فيه عمل انت عارف النصوص وبتعمل. يعني قد ما قصدت ما سكنتش يعني اني مش حافظه. مش حافظه. بس باطبقه - 00:48:04
مش حافظه بس باطبقه هي دي كده نغلب ايا كان العدد وايا كان السلاح اللي مع المؤمنين. غزوة بدر ما كانش فيها الا فرسين اتنين بس. فرسين اتنين - 00:48:28

وعدد الاسلحة محسوبة ومعدودة ومعروفة والمشركين الف ومعهم ومعهم كانوا يدبحوا في اليوم ايه كم جمل كم جمل يدبحوه
في اليوم يأكلوهم ها عشرة عشرة يأكلوهم ان سيفوا العشر جمال ما شاء الله - 00:48:43

ده ما اتهضموش في بطئهم وكانوا في قليب بدر طبعا ابو جهل ده تلاقيه كان بيأخذ فخدة لوحده يمكن ما هضمهاش وكان فين؟
في قليبه. وقتلوه مين؟ صبيان صبي باذقه يعني مش مش قوات خاصة - 00:49:08

مش قوات خاصة اللي قتل ابو جهل ولا دين لسه مش خالد ابن الوليد مسلا هو لسة خالد ما اسلمش يعني مش واحد زي خالد يعني.
سيدنا علي بلاش خالد سيدنا علي - 00:49:27

اسد من اسود الله. اتنين كده الصبية صبية يقتلوا الطاغية ده كله؟ اه معقول الله! ده ما كانش معه سيف يضرب كل يوم لو ضرب العيل بالشلوت كان طيرا له - 00:49:37

الله! اومال فدية الجمال اللي كلها ايه مش كده ولا ايه؟ عشر جمال بيذبحوهم في اليوم ويأكلوه راحت فين الجمال دي؟ راحت راحت في الهوا فهنا مش مسألة ايه تسلح بالایمان التسلح بالعقيدة التسلح بالاتصال بالله واللي تقدر عليه يعمله بقى اللي تقدر تحسبه هاته - 00:49:53

مش بالديون لا اوعى تجيب ديون وقروض وربا وتقول هشتري لا لا اللي موجود ليه؟ اصل رب العزة عنده الحاجات اللي مش عندكم اصلا تستغيثون ربكم فاستجاب لكم اني ممدكم بالف - [00:50:18](#)
وان يأتوكم من فورهم هذا يمددكم ربكم بخمسة الاف اذا عملية تزيد ينزل الملائكة زيادة زياد معها ايه؟ ما لكش دعوة ينزلوا وهم جاهزين فادي القضية. القضية ان رب العزة بيقول لسيدنا موسى بالآيات اللي معكم دهي المعجزات دي هتغلبه - [00:50:43](#)
واتغلب وغلبه غلبه ما بقاش قادر يعمل حاجة. ماما كده يقول له انت ساحر. يقولوا ساحر يجادله ويوري له الباقي البرهان او الحاجة لما يغلب ويقها. ساحر. هناك لما يغلب منه قال: اتخذت لها غباء.. ها - [00:51:08](#)

لاجعلنك ايه ؟ طب واتخز ولا ما اتخزش ؟ ها يعني فرعون بيهدد موسى بيقول له لان اتخرzt الها غيري لاجعلنك ايه من المسجونين. صح ولا مش صح ؟ طب موسى اتخرz الها غيره ولا ما اتخزش ؟ طب ما سجنوش ليه - 00:51:25
ايه يا درش ما يقدرsh يزقل ولا يقتل يقدر يسجنه ولا يقتله يعني مش عندي كلمته ؟ لا ما يقدرsh العملية مش مش سهلة باياتنا انت ما ومن اتبعكما الغالبون. هتنغلب هتنغلب - 00:51:47

د خل علی فرعون یصیبے رب - 00:52:07

ويبول كما يبول الحمار تخيل هو طبعاً شيء او شيء مش مستغرب انا شيء فعلاً موجود فعلاً وكل حاجة حقيقة في المسألة دي. يبول كما يبول الحمار، ولما كان موسى يدخل عليه - 00:52:24

طب ليه ؟ هيبة هيبة الایمان وجبن الكفر رب العزة بيقول علينا اللي احنا فيه يعني نقائص وعندها زنوب ولسنا من اولي العزم ولسنا ولسنا وهم عندهنا كαιر كمان: س، فـ المجموع كده - 00:52:48

اسمنا مسلمین یقوقل علینا ایه ؟ لاتتم اشد رهبة في صدورهم. يا رب العزة بیقول ده بیخافوا منکم اکتر ما بیخافوا منی ده ما سخافه ش. مت. ذی. ما بیخافها منکم معقه . - 00:53:14

معقول يا رب بالعيوب بتاعتنا دي؟ ايوة امال لما ننضف نفسنا من العيوب ونغسل نفسنا من اللي احنا فيه ده هنبقى ايه؟ ياه تيجو

بفى مصر بالرعب مسيرة شهر - 00:53:32

وصرت وصرت بالرعب دى لlama بس البداية كانت مع الرسول عليه الصلاة والسلام. هي دي القضية يا اخوانا. القضية آيات الله مهمة قوي نرجع لها. تتمسك بها لأن ربنا وعد سيدنا موسى ووعد كل الرسول ان هيفلبه بآيات الله - 00:53:51

سواء كانت منزورة بتتشاف او بتقرأ زي القرآن لأن احنا ما عندناش آيات منزورة. احنا عندنا آيات ايه؟ ها؟ مقروءة. تتمسك بها خلاص احنا حريصين على الشهادة وعاوزين شهادة وهم لتجدنهم احرص الناس - 00:54:09

على حياة وان يقاتلوكم يولوكم الادبار. ثم لا ينصرون وان يقاتلوكم وجهاً لوجه كده يولوكم الاتباع لا يقاتلونكم جميعاً الا في قرى محصنة او او من ورائهم. وصلى اللهم وسلم - 00:54:28

وبارك على نبينا محمد وجزاكم الله خيراً الایه اه هو لا يوجد نص عن سيدنا النبي صلى الله عليه وسلم يقول اللي هي العقدة اللي كانت في اللسان كانت بسبب ايه؟ هل هو مولود بها؟ وارد - 00:54:52

الله اعلم ما فيش نص مولود كده وارد يكون مولود كأن مولود ما فيهوش حاجة وحصلت له العقدة ديت بعض المفسرين بيقولوا انه فرعون اختبره عشان يشفوفوا برضه جواه هواجس ان الولد دهوت او الطفل ده - 00:55:14

ممكن يكون هو اللي ايه؟ لنهايتك على ايديه فيعني شيطانه او حاله ان يختبره فجأة جمرة وتمرة حته يعني بتاع جمر كده مولعة حمرا يعني وتمرة وحطهم قدامه الاثنين فاختلطت عليه الجمرة والتمرة فاخذ الایه - 00:55:34

الجمرة وان كان كلاما بعيداً بس ده موجود في الكتب لانه عشان يمسك الجمرة ويحطها على لسانه امال عملت ايه في ايده هو مجرد ما يمسكها هتوصل لسانه ازاي؟ يعني هو هي مولعة وهيمسكها يعني هي مولعة زي البلحة الحمرا - 00:55:55

بتاع حته بلحة زغلول هييشيلها ويحطها على لسانه وتلسع لسانه بس ده الموجود لكن طالما ما فيش نص خلاص. واذا سكت القرآن والسنة لا بأس نسكت لأن مش هترفرق هو فيه عقدة في اللسان - 00:56:15

وطلب من رب العزة ان يحلها استحلت خلاص وصلى اللهم وسلم وبارك على سيدنا محمد - 00:56:31